

## **KJKP "Park" d.o.o. Sarajevo**

Na osnovu člana 234. stav (1) tačka k), a u vezi sa članom 303. Zakona o privrednim društvima („Službene novine FBiH“, br. 81/15 i 75/21), člana 32. Statuta KJKP „Park“ d.o.o. Sarajevo-prečišćeni tekst, broj: P-2802-3/21, od 31.8.2021., Zaključka Vlade Kantona Sarajevo, broj 02-04-53581-34/25 od 14.11.2025. godine i Odluke Skupštine KJKP "Park" d.o.o. Sarajevo, broj: P-01-4598-2/25, od 17.11.2025., Skupština KJKP "Park" d.o.o. Sarajevo raspisuje:

### **K O N K U R S**

#### **ZA IZBOR I IMENOVANJE ČLANOVA NADZORNOG ODBORA KJKP "PARK" D.O.O. SARAJEVO**

#### **I Predmet javnog konkursa**

Raspisuje se javni konkurs za izbor i imenovanje 3 (tri) člana Nadzornog odbora KJKP "Park" d.o.o. Sarajevo.

#### **II Opis pozicije**

Nadzorni odbor nadležan je da:

- nadzire poslovanje Preduzeća, usvaja poslovne strategije preduzeća i planove poslovanja;
- nadzire rad Uprave, te odobrava odluke strateškog karaktera;
- usvaja izvještaj Uprave o poslovanju po polugodišnjem i godišnjem obračunu s bilansom stanja i bilansom uspjeha i izvještajem revizije;
- podnosi Skupštini godišnji izvještaj o poslovanju Preduzeća s finansijskim izvještajima, koji obavezno uključuje: izvještaj eksternog revizora, preporuku Odbora za reviziju po finansijskim izvještajima, izvještaj o radu Nadzornog odbora i Odbora za reviziju;
- predlaže Skupštini Preduzeća trogodišnji i godišnji plan poslovanja;
- bira predsjednika Nadzornog odbora;
- bira Upravu;
- vrši izbor kandidata Odbora za reviziju i podnosi prijedlog za njihovo imenovanje Skupštini Preduzeća;
- daje mišljenje o prijedlogu Uprave o raspodjeli dobiti i načinu pokrivanja gubitka;
- odobrava kupovinu, prodaju, zamjenu, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu od 15% do 33% knjigovodstvene vrijednosti ukupne imovine društva po bilansu stanja na kraju prethodne godine;
- predlaže Skupštini Preduzeća kupovinu, prodaju, zamjenu, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu većem od 33% knjigovodstvene vrijednosti ukupne imovine društva po bilansu stanja na kraju prethodne godine;
- predlaže izmjene i dopune Statuta;
- donosi poslovnik o radu Nadzornog odbora;
- donosi opće akte;
- daje ovlaštenja za aktivnosti koje su ograničene odredbama Zakona o javnim preduzećima;
- daje upute direktoru za provođenje preporuka u vezi s uočenim nepravilnostima;

- nadzire rad direktora u provođenju preporuka datih od strane Odbora za reviziju, te vanjskog revizora sa specificiranim rokovima;
- prati poslovanje i zakonitost poslovanja Preduzeća;
- daje upute organima Preduzeća radi otklanjanja nepravilnosti u radu;
- prisustvuje sjednicama Skupštine Preduzeća i učestvuje u raspravi bez prava glasa;
- vrši uvid u poslovne knjige i dokumentaciju Preduzeća;
- informiše se o radu Odbora za reviziju kroz njegove izvještaje o mjesečnim sastancima;
- obrazuje povremene komisije i utvrđuje njihov sastav i zadatke;
- saziva Skupštinu Preduzeća;
- vrši druge poslove predviđene zakonom.

### **III Mandat**

Članovi Nadzornog odbora imenuju se na period od 4 (četiri) godine.

Predsjednik i članovi Nadzornog odbora nakon imenovanja s Preduzećem zaključuju ugovor koji odobrava Skupština Preduzeća.

Članovi Nadzornog odbora imaju pravo na naknadu za rad u Nadzornom odboru u skladu sa Zakonom.

### **IV Uslovi za pozicije**

Kandidati za imenovanje za članove Nadzornog odbora moraju ispunjavati opće i posebne uslove:

#### **a) Opći uslovi:**

Za članove Nadzornog odbora mogu biti imenovani kandidati koji ispunjavaju sljedeće opće uslove:

- 1) da je državljanin Bosne i Hercegovine (dokaz: uvjerenje o državljanstvu ne starije od 6 mjeseci);
- 2) da je stariji od 18 godina (dokaz: izvod iz matične knjige rođenih);
- 3) da nije osuđivan za krivično djelo i za privredni prestup nespojiv s dužnošću u Nadzornom odboru, pet godina od dana pravosnažne presude isključujući vrijeme zatvorske kazne prije dana objavljivanja upražnjene pozicije (dokaz: uvjerenje od nadležnog suda);
- 4) da mu presudom suda nije zabranjeno obavljanje aktivnosti u nadležnosti Nadzornog odbora u koji se kandiduje (dokaz: uvjerenje od nadležnog suda);
- 5) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja upražnjenje pozicije (dokaz: potpisana izjava ovjerena od strane nadležnog općinskog organa);
- 6) da nema privatni finansijski interes u preduzeću u čiji se Nadzorni odbor kandiduje (dokaz: potpisana izjava ovjerena od strane nadležnog općinskog organa);
- 7) da se na njega ne odnosi član IX 1 Ustava Bosne i Hercegovine (dokaz: potpisana izjava ovjerena od strane nadležnog općinskog organa);
- 8) da ne postoje druge zakonske smetnje za obavljanje funkcije u Nadzornom odboru (dokaz: potpisana izjava ovjerena od strane nadležnog općinskog organa);
- 9) da nije predsjednik ili član Uprave ili Skupštine ili Odbora za reviziju u preduzeću u kojem se kandiduje, kao ni radnik preduzeća (dokaz: potpisana izjava ovjerena od strane nadležnog općinskog organa).

**b) Posebni uslovi:**

- 1) da ima VSS -VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 240 ECTS bodova ili drugog ili trećeg ciklusa Bolonjskog sistema studiranja- ekonomskog, pravnog ili biotehničkog smjera; (dokaz: ovjerena kopija univerzitetske diplome);
- 2) da ima najmanje 5 godina radnog iskustva nakon sticanja VSS od čega najmanje 3 godine na rukovodnim poslovima (dokaz: potvrda ili uvjerenje poslodavca o radnom o radnom iskustvu u struci sa podacima stepena stručne spreme, nazivom radnog mjesta, naznakom da li je radno mjesto rukovodeće, opisom poslova i vremenskom periodu obavljanja istih);
- 3) da nije predsjednik ili član nadzornog ili upravnog odbora u drugom preduzeću s većinskim državnim kapitalom ili instituciji (dokaz: potpisana izjava ovjerena od strane nadležnog općinskog organa);
- 4) da je prošao odgovarajuće usavršavanje u skladu sa Zakonom o privrednim društvima i Uredbom o usavršavanju predsjednika i članova nadzornog odbora i uprava privrednih društava s učešćem državnog kapitala, odnosno da preuzima obavezu da usavršavanje obavi u roku predviđenom Uredbom (dokaz: ovjerena kopija sertifikata o završenom usavršavanju izdata od strane nadležnog organa komore ili izjava potpisana i ovjerena od strane nadležnog organa kojom kandidat izjavljuje da preuzima obavezu da obavi usavršavanje).

Kandidati su uz prijavu dužni priložiti originalne dokumente ili ovjerene fotokopije naprijed navedenih dokumenata.

Prijave kandidata s kojima se ne stupa u kontakt u roku od 15 dana od dana isteka roka za podnošenje prijave neće se uzimati u razmatranje u daljem postupku izbora.

Kandidati koji uđu u užu izbor biti će pozvani na intervju u roku od 30 dana od dana isteka roka za podnošenje prijave.

Komisija zadržava pravo provjere svih podataka, izjava i drugih dokumenata kandidata.

Konkurs za podnošenje prijave ostaje otvoren 15 dana od dana objavljivanja u „Službenim novinama FBiH“, a isti će se objaviti i u jednom dnevnom listu u skraćenoj verziji, registru javnih oglasa Ureda za borbu protiv korupcije Kantona Sarajevo i na web stranici KJKP „Park“ d.o.o. Sarajevo.

Nepotpune i neblagovremene prijave neće se uzeti u razmatranje.

Prijavu s traženom dokumentacijom dostaviti lično ili poštom na adresu: **KJKP "Park" d.o.o. Sarajevo, ul. Patriotske lige broj 58, s naznakom PRIJAVA NA JAVNI KONKURS ZA IZBOR I IMENOVANJE ČLANOVA NADZORNOG ODBORA – NE OTVARATI – Na poleđini koverta naznačiti ime i prezime podnosioca prijave i kontakt telefon.**  
**Napomena: Preduzeće nije obavezno vraćati dokumentaciju dostavljenu uz prijavu.**





PUNOMOĆNIK VLADE KS  
U SKUPŠTINI KJKP „Park“ d.o.o. Sarajevo  
**Mirza Džananović**

11 A  
[Redacted]  
V. Mirza